



UNIVERZITET U SARAJEVU
FAKULTET ISLAMSКИH НАУКА U SARAJEVU



VODIČ

ZA BUDUĆE STUDENTE
FAKULTETA ISLAMSКИH НАУКА
U SARAJEVU

Sarajevo, januar 2019. g.



Fakultet islamskih nauka Univerziteta u Sarajevu (FIN UNSA) je baštinik najranijih islamskih obrazovnih ustanova u Bosni i Hercegovini koje su nastale u doba osmanske vladavine (1463.-1878.) kada znatan dio domaćeg stanovništva prima islam, ali i visokoškolskih islamskih obrazovnih ustanova koje su nastale u periodu Austro-Ugarske vladavine, Šerijatsko-sudačke škole ili Mekteb-i nuvvaba (1887.) i Više islamske šerijatsko-teološke škole (1937.). Sa afirmacijom nacionalnog identiteta bosanskih muslimana tokom šezdesetih i sedamdesetih godina 20. st. otvorio se prostor slobodnijem djelovanju pa je 15. ševvala 1397. godine / 29. septembra 1977. godine kao rezultat planskih i sistemskih aktivnosti i po odluci Vrhovnog islamskog starješinstva u SFRJ i Sabora IZ-e, osnovan Islamski teološki fakultet, čiji



prvi svršenci unose novi kvalitet u iskustvo islama u Bosni i Hercegovini, pa i šire. Danas je Fakultet islamskih nauka u Sarajevu najprestižnija institucija visokoškolskog islamskog obrazovanja u Evropi. Od 2013. godine Fakultet islamskih nauka je punopravna članica Univerziteta u Sarajevu.

Arhitektonika zgrade i cjelokupan ambijent u kojem Fakultet živi zajedno s aktuelnim studijskim programima svjedoče uspostavljeni sklad između tradicionalnih i savremenih islamskih znanosti i između istočnih i zapadnih kulturnih vrijednosti.

Studijske programe u optimalnim uvjetima izvodi nastavno osoblje koje je svoja znanja stjecalo na renomiranim bosanskohercegovačkim i svjetskim univerzitetima.



NASTAVNI PROCES NA FAKULTETU ISLAMSKIH NAUKA

Na Fakultetu islamskih nauka u Sarajevu od 2013/14. ak. god. ustanovljena su tri ciklusa studija u skladu s bolonjskim procesom.

Prvi ciklus studija ima tri programa:

- a. Islamska teologija;
- b. Islamska vjeronauka i religijska pedagogija;
- c. Studijski program za imame, hatibe i muallime.

Na drugom ciklusu studija postoje četiri studijska programa:

- a. Master u islamskim studijama;
- b. Međureligijski studiji i izgradnja mira;

- c. Master u islamskim studijama (na engleskom jeziku);
- d. Master imameta.

Treći ciklus studija vodi do stepena doktora islamskih nauka.

Prvi ciklus studija vodi do završenog diplomskog studija i stjecanja akademskog zvanja na Studijskom programu za islamsku teologiju bakalaureat, odnosno bečeler islamske teologije, na Studijskom programu za islamsku vjeronauku i religijsku pedagogiju bakalaureat, odnosno bečeler islamske vjeronauke i religijske pedagogije i na Studijskom programu za imame, hatibe i muallime bakalaureat /bečeler imameta, hatabeta i ta'lima.

Prvi ciklus studija na Studijskom programu islamske teologije i Studijskom programu islamske vjeronauke i religijske pedagogije traje četiri godine, a vrednuje se sa 240 studijskih bodova ECTS (European Credit Transfer System) a Studijski program za imame, hatibe i muallime traje tri godine, a vrednuje se sa 180 studijskih bodova ECTS.



Diplomski studij na Fakultetu organizira se i ostvaruje u skladu sa Zakonom o visokom obrazovanju Kantona Sarajevo, Statutom Univerziteta u Sarajevu, Pravilima studiranja zasnovanim na Evropskom sistemu prijenosa kredita (ECTS) i Pravilima Fakulteta.

Studentu se garantira mobilnost i priznavanje bodova ostvarenih na drugom univerzitetu u skladu sa Zakonom, Statutom Univerziteta ili drugim općim aktom Univerziteta, odnosno Fakulteta.

Student ima pravo da u toku studija provede jedan dio studijskog programa (jedan semestar ili duže) na drugom univerzitetu u zemlji ili inozemstvu posredstvom međunarodnih programa za razmjenu studenata, a na bazi bilateralnih ugovora između univerziteta, sporazuma, projekata ili drugih oblika međunarodne saradnje.



Prava i obaveze studenata reguliraju se detaljno Zakonom, Statutom Univerziteta i Pravilima Fakulteta.

Fakultet organizira i izvodi prvi ciklus studija iz sljedećih naučnih i stručnih oblasti:

- a) Tumačenje Kur'ana (Tefsir),
- b) Učenje Kur'ana (Kiraet),
- c) Poslanička tradicija (Hadis),
- d) Islamska dogmatika (Akaid),
- e) Sufizam (Tesavvuf),
- f) Uporedne religije,
- g) Islamska filozofija,
- h) Šerijatsko pravo (Fikh),
- i) Islamska civilizacija,
- j) Religijska pedagogija (Terbija),
- k) Religijska psihologija,
- l) Filologija Kur'ana,
- m) Stručno obrazovanje imama, hatiba i muallima.





STUDIJSKI PROGRAM ISLAMSKE TEOLOGIJE

Ovaj studij omogućava studentima stručno obrazovanje u islamskim naukama te uvođenje u naučno istraživanje u toj oblasti. Studij je koncipiran na taj način da studentu, pored stručne formacije u islamskim naukama, daje uvid u najvažnije humanističke discipline. Ovaj studij osposobljava studente za vršenje vjersko-prosvjetnih službi u Islamskoj zajednici te različitih kulturnih, obrazovnih i društvenih djelatnosti koje podrazumijeva humanističko obrazovanje. Nakon završenog I ciklusa studenti stiču naziv: bečeler islamske teologije.

Studijski program Islamske teologije

1. SEMESTAR	
1.	Učenje Kur'ana (Kiraet) I
2.	Terminologija tefsira
3.	Osnovi islamskog vjerovanja (usuluddin)
4.	Historija šerijatskog prava
5.	Uvod u metodologiju istraživanja
6.	Arapski jezik za teologe I

2. SEMESTAR

1. Učenje Kur'ana (Kiraet) II
2. Terminologija hadisa
3. Historija i metodologija tefsira
4. Uvod u studij religije
5. Uvod u filozofiju
6. Arapski jezik za teologe II

3. SEMESTAR

1. Učenje Kur'ana (Kiraet) III
2. Dimenzije sunneta
3. Islamsko obredoslovlje (Ibadat) I
4. Pedagogija
5. Engleski jezik za teologe
6. Arapski jezik za teologe III

4. SEMESTAR

1. Učenje Kur'ana (Kiraet) IV
2. Islamsko obredoslovlje (Ibadat) II
3. Rane škole kelama
4. Uvod u studije islamske civilizacije
5. Uvod u psihologiju
6. Arapski jezik za teologe IV



5. SEMESTAR

1. Uvod u sufizam (Tesavvuf)
2. Šerijatsko personalno pravo
3. Historija islamske civilizacije do 1700.
4. Hatabet i vaz
5. Klasične škole tefsira
6. Etika

6. SEMESTAR

1. Šerijatsko građansko i vakufsko pravo
2. Historija BiH i institucije IZ u BiH
3. Islamska misija (Da'va)
4. Historija islamske civilizacije nakon 1700.
5. Osnovi učenja judaizma i kršćanstva
6. Imamet

7. SEMESTAR

1. Savremene škole tefsira
2. Hermeneutika hadisa
3. Šiizam
4. Klasična islamska filozofija
5. Metodika vjerske nastave I
6. Islamska umjetnost
7. Izborni

8. SEMESTAR

1. Rječnik Kur'ana
2. Metodologija hadisa
3. Teološka epistemologija
4. Metodologija šerijatskog prava (Usuli fikh)
5. Metodika vjerske nastave II
6. Moderna i savremena islamska filozofija
7. Izborni

IZBORNI PREDMETI

Domski odgoj
Edukometrija
Filozofija kulture
Hadiski tekstovi
Historija kur'anskoga teksta
Historija Osmanske države
Islamska kultura na Balkanu
Islamske institucije
Kiraet V
Konverzacija na arapskom jeziku
Kur'anski pravopis
Metodologija pronalaženja i evaluacije hadisa
Moderna i savremena zapadna filozofija
Normativni hadisi
Osnovi sociologije obrazovanja
Pedagoška komunikologija
Povijest tumačenja Kur'ana u BiH
Pregled ranog muslimanskog mišljenja
Pregled učenja tesavvufa
Psihologija komunikacija
Religija i društvo
Religija i pravo
Savremene akademske teme
Savremeni religijski pokreti
Socijalna psihologija
Starogrčka i srednjovjekovna filozofija
Studije genocida
Školska pedagogija
Tematski tefsir II
Tradicijske odgojne metode
Uvod u arabistiku
Pedagoško djelovanje Muhammeda, a.s
Porodični odgoj
Predmeti sa drugih studijskih grupa
Predmeti sa drugih fakulteta/univerziteta po odluci Komisije za priznavanje ispita i Vijeća



STUDIJSKI PROGRAM ISLAMSKE VJERONAUKA I RELIGIJSKE PEDAGOGIJE

Program za islamsku vjeronauku i religijsku pedagogiju na Fakultetu islamskih nauka u Sarajevu koncipiran je na način da se studiju prve dvije godine čvrsto utemelji na teološkim sadržajima potencirajući predmete koji će biti u funkciji osposobljavanja stručnog profila religijskog odgajatelja i vjeroučitelja. Studijski program u trećoj i četvrtoj godini uvodi specijalističke predmete koji strukturom i sadržajem pokrivaju područje religijskog odgoja i vjerske nastave. Uvode se novi predmeti iz domena kur'anskog i sunnetskog koncepta odgoja, religijske pedagogije, religijske psihologije, metodike religijskog odgoja i vjerske nastave, potom predmeti iz

područja opće pedagogije, didaktičko-metodički predmeti u cilju razvijanja pedagoško-psiholoških znanja, kompetencija i umijeća svršenika ovog studijskog programa te osposobljavanja za što lakšu i učinkovitiju transmisiju teoloških sadržaja u budućem odgojno-obrazovnom radu. Nakon završenog I ciklusa studenti stiču naziv: bečeler islamske vjeronauke i religijske pedagogije.

Studijski program Islamske vjeronauke i religijske pedagogije

1. SEMESTAR	
1.	Učenje Kur'ana (Kiraet) I
2.	Terminologija tefsira
3.	Osnovi islamskog vjerovanja (usuluddin)
4.	Uvod u šerijatsko pravo
5.	Uvod u metodologiju istraživanja
6.	Arapski jezik za pedagoge I
2. SEMESTAR	
1.	Učenje Kur'ana (Kiraet) II
2.	Terminologija hadisa
3.	Teme Kur'ana
4.	Životopis Muhammeda, a.s. (Sira)
5.	Arapski jezik za pedagoge II
6.	Izborni
3. SEMESTAR	
1.	Učenje Kur'ana (Kiraet) III
2.	Kur'anska kazivanja
3.	Islamsko obredoslovlje (Ibadat)
4.	Pedagogija
5.	Opća psihologija sa psihologijom ličnosti
6.	Arapski jezik za pedagoge III

4. SEMESTAR

1. Kur'anski koncept odgoja
2. Savremene fikhske teme
3. Uvod u studije islamske civilizacije
4. Uvod u studij religije
5. Engleski jezik za pedagoge
6. Arapski jezik za pedagoge IV

5. SEMESTAR

1. Filozofija moralnog odgoja
2. Šerijatsko personalno pravo
3. Historija islamske civilizacije do 1700.
4. Razvojna psihologija
5. Religijska pedagogija
6. Izborni predmet

6. SEMESTAR

1. Tematski hadis
2. Kulturna historija BiH
3. Teorije odgoja: islamska perspektiva
4. Historija islamske civilizacije nakon 1700.
5. Socijalna pedagogija
6. Didaktika

7. SEMESTAR

1. Teološka antropologija
2. Psihologija religioznosti
3. Porođični odgoj
4. Učenje i podučavanje u predškolskom odgoju
5. Metodika vjerske nastave I
6. Izborni predmet

8. SEMESTAR

1. Sunnetski koncept odgoja
2. Muslimanski doprinos civilizaciji
3. Pedagoška psihologija
4. Religijski odgoj i okultna kultura
5. Metodika vjerske nastave II
6. Metodika religijskog odgoja

IZBORNI PREDMETI

Domski odgoj

Edukometrija

Filozofija kulture

Hadiski tekstovi

Historija kur'anskoga teksta

Historija Osmanske države

Islamska kultura na Balkanu

Islamske institucije

Kiraet V

Konverzacija na arapskom jeziku

Kur'anski pravopis

Metodologija pronalaženja i evaluacije hadisa

Moderna i savremena zapadna filozofija

Normativni hadisi

Osnovi sociologije obrazovanja

Pedagoška komunikologija

Povijest tumačenja Kur'ana u BiH

Pregled ranog muslimanskog mišljenja

Pregled učenja tesavvufa

Psihologija komunikacija

Religija i društvo

Religija i pravo

Savremene akadiske teme

Savremeni religijski pokreti

Socijalna psihologija

Starogrčka i srednjovjekovna filozofija

Studije genocida

Školska pedagogija

Tematski tefsir II

Tradicijske odgojne metode

Uvod u arabistiku

Pedagoško djelovanje Muhammeda, a.s

Porodični odgoj

Predmeti sa drugih studijskih grupa

Predmeti sa drugih fakulteta/univerziteta po odluci Komisije za priznavanje ispita i Vijeća





STUDIJSKI PROGRAM ZA IMAME, HATIBE I MUALLIME

Ovaj program počiva na uvjerenju da su imam i njegova lokalna zajednica (džemat) temeljno obilježje organizacije Islamske zajednice u BiH i neupitna jezgra njene ukupne organizacione strukture. Ciljevi studija su: a) Osigurati cjelovito vjersko, intelektualno, moralno, društveno i kulturno obrazovanje i odgoj budućih imama, hatiba i muallima; b) Osposobiti ih za primjenu stečenih znanja u konkretnim životnim okolnostima; i c) Stjecanje znanja i sposobnosti kojim bi se doprinijelo da imami, hatibi, muallimi i muallime budu vođe i uzori u svojim zajednicama ali i izvan njih. Studij zadržava svoju naučno-humanističku narav, ali je više strukovni nego akademski, usmjeren na savladavanje aplikativnih znanja i vještina, senzibilan za praktične vjerske,

duhovne, kulturne i društvene potrebe vjernika i Islamske zajednice, te za njihove bosanskohercegovačke te evropske posebnosti. Dakle, studij je zasnovan na binarnom modelu s fokusom na primjenjena znanja i, kao takav, neposredno odgovara na zahtjeve struke, a ne nauke; razvija prije svega funkcionalna znanja, vještine te opšte i profesionalne, prije svega generičke, kompetencije. Na studiju se posebna pažnja posvećuje izučavanju fundamentalnih mjerodavnih tekstova, tradicionalnih i savremenih, iz područja hanefijskog fikha, maturidijskog akaida, tefsira i hadisa. Studij traje šest semestara, a upisuju ga samo svršenci medresa. Svršnik ovog studija stiče stručni naziv: *bachelor imameta, hatabeta i ta'lima*.



Studijski program za imame, hatibe i muallime

1. SEMESTAR	
1.	Učenje Kur'ana (Kiraet) I
2.	Uvod u tefsir
3.	Uvod u osnove islamskog vjerovanja
4.	Uvod u šerijatsko pravo
5.	Uvod u metodologiju istraživanja
6.	Fonetika i morfologija arapskog jezika
2. SEMESTAR	
1.	Učenje Kur'ana (Kiraet) II
2.	Terminologija hadisa
3.	Tematski tefsir I
4.	Uvod u izučavanje kelama
5.	Životopis Muhammeda, a.s. (Sira)
6.	Sintaksa arapskog jezika
3. SEMESTAR	
1.	Učenje Kur'ana (Kiraet) III
2.	Dimenzije sunneta
3.	Islamsko obredoslovlje (Ibadat) I
4.	Pedagogija
5.	Ahlak
6.	Arapski tekstovi
4. SEMESTAR	
1.	Učenje Kur'ana (Kiraet) IV
2.	Islamsko obredoslovlje (Ibadat) II
3.	Uvod u studije islamske civilizacije
4.	Imamet
5.	Uvod u psihologiju
6.	Engleski jezik za imame (ili neki drugi evropski jezik)



5. SEMESTAR

1. Savremene akadiske teme
2. Šerijatsko personalno pravo
3. Historija islamske civilizacije do 1700.
4. Hatabet i vaz
5. Metodika vjerske nastave I
6. Menadžment za imame
7. Izborni

6. SEMESTAR

1. Šerijatsko građansko i vakufsko pravo
2. Historija BiH i institucije IZ u BiH
3. Islamska misija (Da'va)
4. Historija islamske civilizacije nakon 1700.
5. Judaizam i kršćanstvo
6. Metodika vjerske nastave II
7. Imam i društvo: praktikum

IZBORNI PREDMETI

Domski odgoj
Edukometrija
Filozofija kulture
Hadiski tekstovi
Historija kur'anskoga teksta
Historija Osmanske države
Islamska kultura na Balkanu
Islamske institucije
Kiraet V
Konverzacija na arapskom jeziku
Kur'anski pravopis
Metodologija pronalaženja i evaluacije hadisa
Moderna i savremena zapadna filozofija
Normativni hadisi
Osnovi sociologije obrazovanja
Pedagoška komunikologija
Povijest tumačenja Kur'ana u BiH
Pregled ranog muslimanskog mišljenja
Pregled učenja tesavvufa
Psihologija komunikacija
Religija i društvo
Religija i pravo
Savremene akademske teme
Savremeni religijski pokreti
Socijalna psihologija
Starogrčka i srednjovjekovna filozofija
Studije genocida
Školska pedagogija
Tematski tefsir II
Tradicijske odgojne metode
Uvod u arabistiku
Pedagoško djelovanje Muhammeda, a.s
Porodični odgoj
Predmeti sa drugih studijskih grupa
Predmeti sa drugih fakulteta/univerziteta po odluci Komisije za priznavanje ispita i Vijeća

Drugi ciklus studija vodi do akademskog zvanja:

- a. magistar islamskih studija;
- b. master iz međureligijskih studija i izgradnje mira;
- c. magistar islamskih studija;
- d. magistar imameta.

U zbiru s prvim ciklusom svi ovi studijski programi nose 300 ECTS bodova.

Treći ciklus studija vodi do akademskog zvanja doktora islamskih nauka, stečenog nakon završenog doktorskog studija, koji traje tri godine, a vrednuje se sa 180 ECTS bodova, tako da u zbiru s prva dva ciklusa iznosi 480 ECTS bodova.





KATEDRE SA NASTAVNIM OSOBLJEM

KATEDRA ZA KIRAET (UČENJE KUR'ANA)

- Dr. Dževad Šošić, vanredni profesor, rukovodilac
- Mr. Abdulaziz Drkić, viši asistent

KATEDRA ZA TEFSIR (TUMAČENJE KUR'ANA)

- Dr. Enes Karić, redovni profesor
- Dr. Džemal Latić, redovni profesor
- Dr. Almir Fatić, vanredni profesor, rukovodilac
- Mr. Muhamed Fazlović, viši asistent



KATEDRA ZA FILOLOGIJU KUR'ANA

- Dr. Jusuf Ramić, profesor emeritus
- Dr. Amrudin Hajrić, vanredni profesor, rukovodilac
- Dr. Zehra Alispahić, docent
- Dr. Amira Trnka-Uzunović, docent
- Dr. Amina Bavčić-Arnautović, docent

KATEDRA ZA HADIS (POSLANIČKU TRADICIJU)

- Dr. Omer Nakičević, profesor emeritus
- Dr. Zuhdija Hasanović, redovni profesor, rukovodilac
- Dr. Kenan Musić, docent
- Fadil Maljoki, viši asistent

**KATEDRA ZA AKAIID (ISLAMSKU DOGMATIKU),
TESAVVUF I UPOREDNE RELIGIJE**

- Dr. Rešid Hafizović, redovni profesor
- Dr. Adnan Silajdžić, redovni profesor
- Dr. Nedžad Grabus, vanredni profesor
- Dr. Samir Beglerović, vanredni profesor, rukovodilac
- Dr. Orhan Jašić, viši asistent

KATEDRA ZA FIKH (ŠERIJATSKO PRAVO)

- Dr. Enes Ljevaković, vanredni profesor
- Dr. Mustafa Hasani, vanredni profesor
- Dr. Nedim Begović, docent, rukovodilac
- Dr. Senad Ćeman, viši asistent

KATEDRA ZA ISLAMSKU FILOZOFIJU

- Dr. Nusret Isanović, redovni profesor
- Dr. Orhan Bajraktarević, vanredni profesor, rukovodilac
- Dr. Dževad Hodžić, vanredni profesor
- Mr. Samedin Kadić, viši asistent

KATEDRA ZA ISLAMSKU CIVILIZACIJU

- Dr. Ahmet Alibašić, vanredni profesor, rukovodilac
- Dr. Asim Zubčević, docent
- Azra Kulenović, asistent

KATEDRA ZA RELIGIJSKU PEDAGOGIJU I PSIHOLOGIJU

- Dr. Aid Smajić, vanredni profesor, rukovodilac
- Dr. Dina Sijamhodžić-Nadarević, docent,
- Ahmed Čolić, asistent,
- Mirzeta Brkić, asistent

Na Fakultetu trenutno radi 31 stalno uposleni nastavnik i saradnik.



UVJETI I AMBIJENTALNE PREDNOSTI STUDIRANJA NA FIN-U

Fakultet je smješten u zgradi izgrađenoj 1887. godine u neomaurskom stilu, u staroj jezgri Sarajeva i pruža optimalne uvjete za održavanje redovne nastave i brojnih vannastavnih aktivnosti.

Dovoljan broj predavaonica opremljenih pomagalima za prezentiranje multimedijalnih sadržaja omogućava zasebno održavanje predavanja i vježbi za sve studijske godine.

Na Fakultetu je za studente uvijek otvorena biblioteka sa čitaonicom u kojoj im je dostupna literatura neophodna za



sva tri ciklusa studija. Kontinuirana nabavka recentnih djela i izdanja trajna je aktivnost biblioteke. Na Fakultetu studenti imaju na raspolaganju internet klub i Wi-Fi mrežu.

Brojne vannastavne aktivnosti, tribine, promocije knjiga, mevludske večeri i večeri Kur'ana, humanitarne akcije, sportske susrete, posjete i putovanja studenti i studentice realiziraju kroz rad samostalnog Udruženja studenata Fakulteta islamskih nauka (USFIN). Udruženje objavljuje svoj časopis Mladjak na portalu mladjak.com i koordinira rad Akademskog hora studenata i studentica FIN-a.





Sa hafiske dove Amir ef. Čaušu

Na Fakultetu studira veliki broj studenata i studentica hafiza Kur'ana Časnog. S obzirom na činjenicu da je hizf izuzetno značajna referenca za studente Fakulteta islamskih nauka i buduće teologe, imame i profesore islamske vjeronauke, na



Hafiza Belma Hajrić



Hafiz Bajram Dizdarević u Podgorici

Fakultetu aktivno radi Sekcija za hifz uz potporu Fondacije za hifz “Hafiz dr. Fadil Fazlić”. Strateški cilj Fondacije je dodatno popularizirati hifz među studentima, ali i otvoriti dodatne programe poput učenja više kiraeta, tefsira i sl. Fondaciju pomažu brojni donatori. Do sada je kroz ovu sekciju hifz položilo ukupno osamnaest hafiza koji su vrlo uspješni na različitim poljima djelovanja. Hafizi Fakulteta učestvuju na prestižnim domaćim i međunarodnim takmičenjima u učenju Kur’ana u Saudijskoj Arabiji, Egiptu, Maleziji, Kuvajtu, Ujedinjenim Arapskim Emiratima, Jordanu i drugim zemljama islamskoga svijeta. Intenzivirane su aktivnosti na planu gradnje Centra za Kur’an i sunnet u neposrednoj blizini Fakulteta.



UVJETI UPISA NA FAKULTET ISLAMSKIH NAUKA U SARAJEVU

Na Studijski program islamske teologije i Studijski program za imame, hatibe i muallime mogu se prijaviti samo svršeni i svršenice medresa, a na Studijski program za islamsku vjeronauku i religijsku pedagogiju svršenici medresa i četverogodišnjih srednjih škola odličnog i vrlodobrog uspjeha po odluci Vijeća.

Kandidati se primaju na osnovu uspjeha ostvarenog u toku srednjoškolskog obrazovanja i bodova stečenih na relevantnim takmičenjima.



Dokumenti potrebni za upis:

- svjedodžbe o završenim razredima srednje škole u Bosni i Hercegovini u četverogodišnjem trajanju, odnosno odgovarajući nostrificirani dokumenti za kandidate koji srednju školu nisu završili u Bosni i Hercegovini;
- diploma o završenoj srednjoj školi;
- izvod iz matične knjige rođenih;
- uvjerenje o državljanstvu;
- prijava o mjestu boravka (CIPS);
- kopija lične karte;
- drugi dokumenti relevantni za utvrđivanje konačnih bodova kandidata.

Stipendije i podrška

Fakultet islamskih nauka u Sarajevu svake akademske godine u saradnji sa Rijasetom IZ i humanitarnim organizacijama i fondacijama iz Bosne i Hercegovine i inozemstva osigurava značajan broj godišnjih stipendija. Stipendije se dodjeljuju po različitim kriterijima, a najrelevantiji su: uspjeh i rezultati ostvareni u srednjoj školi i tokom studija na FIN-u, rezultati u učenju hifza i socijalni status studenata i studentica.

Tokom studija na Fakultetu islamskih nauka u Sarajevu studentima i studenticama se pruža prilika boravka jednog ili više semestara u pojedinim dijelovima islamskoga svijeta na intenzivnim kursovima arapskoga jezika. U suradnji sa Kulturnim centrom “Kralj Fahd” Ambasade Saudijske Arabije u Sarajevu organizira se i jednomjesečni pripremni kurs arapskog jezika za sve novoupisane studente i studentice.



Postojeći problem smještaja svojih studenata, Fakultet, uz finansijsku pomoć Generalne direkcije vakufa Republike Turske poslije dugogodišnjih priprema i gradnje riješio je izgradnjom studentskog doma na vakufskom lokalitetu Vr-



Studentski dom Islamske zajednice u Bosni i Hercegovini

banjuša u neposrednoj blizini Fakulteta. U oktobru 2018. godine studenti i studentice Fakulteta islamskih nauka, kao i drugih fakulteta, uselili su se u prostorije studentskog doma kojim upravlja novouspostavljeni Studentski centar Islamske zajednice u Bosni i Hercegovini.



Hfz. mr. Mensur Malkić,
imam i direktor GHM

Hfz. mr. Sumeja Ljevaković - Subašić,
stručna saradnica u IITB

Edin Spahić, imam MIZ Sarajevo
i novinar RTV BIR-a

PERSPEKTIVE ZAPOSŁJAVANJA

Do 2018./2019. akademske godine na prvi ciklus Fakulteta islamskih nauka upisalo se 4143 studenata i studentica. Diplomom Fakulteta islamskih nauka u Sarajevu na prvom ciklusu studija dobilo je 1187 studenata i studentica, 123 postdiplomaca je magistriralo, i odbranjeno je 43 doktorske disertacije. Svršenici i svršenice Fakulteta islamskih nauka u svojstvu vjerskih službenika i službenica različitih profila kao i istaknutih kulturnih i javnih djelatnika danas su neodvojivi dio i aktivni kreatori bosanskohercegovačke zbilje.

Kontinuirano se radi na povećanju kompetencija svršenika i svršenica Fakulteta, ali i na osiguravanju novih radnih mjesta unutar i izvan Islamske zajednice.

STRATEGIJA RAZVOJA FAKULTETA ISLAMSKIH NAUKA

Fakultet islamskih nauka u Sarajevu u skladu sa “Strategijom razvoja visokog obrazovanja Islamske zajednice” radi na:

- stalnom usklađivanju nastavnih planova i programa sa potrebama Islamske zajednice, bosanske muslimanske i šire društvene zajednice;
- evaluaciji nastavnoga procesa i stupnja uspješnosti studenata;
- intenziviranju stručno-konsultativnog i mentorskog rada sa studentima;
- uspostavljanju čvršće saradnje s odgojno-obrazovnim i naučno-obrazovnim ustanovama IZ-e te drugim ustanovama iste vrste u Bosni i Hercegovini i u svijetu;
- pokretanju studija na engleskom i arapskom jeziku, čime će se pozitivno djelovati na otklanjanje predrasuda i stereotipa o islamu;
- intenzivnijoj primjeni učenja na daljinu (*distance learning*);
- razvoju programa cjeloživotnog učenja;
- jačanju praktične komponente obrazovnog procesa;
- intenziviranju naučnoistraživačkog rada.

Fakultet islamskih nauka u Sarajevu otvoren je i za druge važne projekte koji doprinose boljoj prezentaciji i pozicioniranju islama na evropskim prostorima.

ZAŠTO FIN?

Upisom na Fakultet islamskih nauka u Sarajevu studenti i studentice sebi osiguravaju uspješan nastavak obrazovanja u ugodnom ambijentu, naučnoj atmosferi i uz pomoć cijenjenih i na znanstvenoj sceni dokazanih autoriteta.

Studiranjem na Fakultetu islamskih nauka u Sarajevu pomaže se općem razvoju i napretku bosanskohercegovačkog društva u cjelini i razbijanju brojnih stereotipa o islamu i muslimanima u Bosni i Hercegovini i u svijetu.







40 GODINA USPJEŠNOG RADA FAKULTETA ISLAMSKIH NAUKA

Četrdeset godina rada temeljne i liderske visokoobrazovne ustanove u okviru Islamske zajednice u Bosni i Hercegovini Vijeće Fakulteta islamskih nauka Univerziteta u Sarajevu obilježilo je nizom aktivnosti i manifestacija. Bila je to prilika za prisjećanje na vrijeme i okolnosti u kojima je Fakultet nastao, ličnosti zaslužne za njegovo utemeljenje, i prilika da se oda počast glavnom vakifu, utemeljitelju Islamskog teološkog fakulteta - muslimanskom vjerničkom narodu. Ovaj veliki jubilej obogatio je islamsku ali i akademske zajednice ovih prostora. Dana 29. septembra 2017. godine, na četrdesetu godišnjicu od osnivanja, održana je svečana akademija na kojoj su prisustvovala brojne zvanice iz vjerskog i javnog života Bosne i Hercegovine. Tim povodom istaknuto je:

PROF. DR. ZUHDIJA HASANOVIĆ

dekan Fakulteta islamskih nauka



U skorijoj budućnosti nastojat ćemo da uz postojeće razvijamo i nove studentske programe prema potrebama Islamske i šire društvene zajednice, ali i okruženja, da snažimo veze s drugim srodnim naučno-obrazovnim ustanovama u domovini i svijetu, da jačamo kompetencije imama i vjeroučitelja kroz cjeloživotno obrazovanje te da ostvarimo trajnu vezu s našim alumnistima kroz različite edukativne i slične projekte.

PROF. DR. RIFAT ŠKRIJELJ

rektor Univerziteta u Sarajevu



Fakultet islamskih nauka glavna je okosnica islama i islamske misli na ovim prostorima. Ako je išta sačuvalo bošnjački narod kroz historiju, onda je to vjera u jednog Stvoritelja. Ali ta vjera ne bi imala toliki utjecaj i važnost za čovjeka vjernika da nije imala svoje uporište upravo u ovakvim institucijama kao što je Gazi Husrev-begova medresa i Biblioteka te kasnije i Islamski teološki fakultet.

PROF. DR. DENIS ZVIZDIĆ
predsjedavajući Vijeća ministara



Počastvovan sam što prisustvujem godišnjici osnivanja jedne od najznačajnijih visokoškolskih ustanova koja je imala nezamjenjivu ulogu u reafirmaciji nacionalnih i vjerskih prava Bošnjaka na ovim prostorima. Ova institucija, nije ostala samo u okvirima BiH, nego je postala prepoznatljiva i u regionalnim okvirima, a u posljednje vrijeme se o njoj sve više na najljepši način priča i u Briselu i u drugim evropskim prijestolnicama.

NJ. E. HUSEIN EF. KAVAZOVIĆ
reisu-l-ulema Islamske zajednice u Bosni i Hercegovini



Danas svršenicima ovog Fakulteta predstavljaju stub Islamske zajednice u Bosni i Hercegovini. Imamsko-hatipska i mualimska služba ne bi se uopće mogla zamisliti bez svršenika Fakulteta islamskih nauka u Sarajevu. Decenije rada i intelektualnog ulaganja naših priznatih alima ostavilo je neizbrisiv trag u našem vjerskom, kulturnom i društvenom životu.

Bosanskohercegovačke medrese i mektebi, kao najšira osnova našeg odgojno-obrazovnog sistema, hvala Bogu, slijede osnovni interpretativni pravac što ga trasira Fakultet islamskih nauka u Sarajevu.

Dokle god to bude tako, nadati se je da će naša duhovna tradicija odolijevati nasrtajima kako onih rigidnih interpretacija sa Istoka tako i onih orijentalističkih, zlonamjernih stavova o islamu sa Zapada.

Raduju me ozbiljne pripreme našeg Fakulteta da razvije program izučavanja islamskih disciplina i na drugim evropskim jezicima. To je zahtjev vremena i potreba našeg naroda na Zapadu. To će sa sobom donijeti i poteškoće i otpore, kako to uvijek biva, ali valja nam razumjeti da drugog puta nema, osim onog na koji smo krenuli, uslovljenog promjenama koje su se desile u našoj historiji.

Danas skoro isti broj bosanskih muslimana živi u Evropi i Sjevernoj Americi kao i u Bosni i Hercegovini. Ovu činjenicu ne možemo promijeniti. Islamska zajednica mora ići sa svojim narodom kud god on išao, a Fakultet islamskih nauka je dio nje.

Na kraju, u ime muslimana u Bosni i Hercegovini i u svoje ime, želim čestitati dekanu, profesorima i svim svršenicima i studentima ovu 40. godišnjicu rada Fakulteta islamskih nauka u Sarajevu. Molim Uzvišenog Allaha da trud njegovih pregalaca bude primljen i da bude sigurna staza novim generacijama.

Nemojmo se bojati izazova, ono što nam je obećano je veće i trajnije. Ako savladamo neznanje i strah uspjeh ćemo.

DEKANAT

Prof. dr. Zuhdija Hasanović, dekan

Prof. dr. Mustafa Hasani, prodekan za finansije

Prof. dr. Ahmet Alibašić, prodekan za nastavu

Prof. dr. Aid Smajić, koordinator za međunarodnu saradnju

Doc. dr. Zehra Alispahić, koordinator za naučnoistraživački rad

SEKRETAR

Emina Muderizović, dipl. iur.

BIBLIOTEKA

Mr. Fatima Žutić, bibliotekar

STUDENTSKA SLUŽBA

Firdevsa Jelovac

Mujesira Zimić-Gljiva

KONTAKT

Fakultet islamskih nauka u Sarajevu

Ćemerlina 54

71000 Sarajevo

tel.: + 387 33 251 011

faks.: + 387 33 251 044

Email: fin@fin.ba; Web: www.fin.unsa.ba

Priredila: Zehra Alispahić, **Foto:** arhiv FIN-a, Almedin Karić i Jamin Merdan,

DTP: El-Kalem